

БИНО ВА ИНШООТЛАРНИ ТУРЛАРИ БҮЙИЧА ЛОЙИХАЛАШ БОСҚИЧЛАРИ

Хатамкулов Бекзод Искандарбек ўғли
Наманган муҳандислик қурилиши институти
“Архитектура” кафедра ўқитувчиси
b.nurmuhammad90@gmail.com
+998930505070

Аннотация: Билим олиб келаётган талабаларни мутахассислиги бўйича касбга йўналтириш ҳамиша давлатимиз, сиёсатимиз олдида турган устувор масалалалардан бири бўлиб саналган. Бино ва иншоотларни турлари бўйича лойихалаш босқичларини талабаларимизга олий таълим муассасаларида ўрагатишни ўрни ва олий таълим муассасалари битиргандан сўнг иш фаолиятларини олиб бориш учун катта аҳамиятга эга. Ушбу мақолада талабаларни лойихалашга ҳамда касбга тўғри йўналтиришдаги мавжуд муаммолар, амалиётдаги камчиликларни бартараф этиш йўллари ҳакида қисқача фикр юритилган.

Kalit so‘zlar: kasb, ijtimoiylashtirish, o‘z-o‘zini baholash, texnologik, ta’lim, uzluksiz tizim, hamkorlik, aloqadorlik, .

Бино ва иншоотлар қурилишини лойихалашни шартли равища 3 та босқичга бўлиш мумкин:

- лойихалашдан олдинги босқич;
- лойихалаш жараёни босқичи;
- лойихалашдан кейинги босқич.

Лойихалаш ташкилотлари иш жараёнларида **лойихалашдан олдинги босқични** асосий қисм деб юритилади, лойихалаш учун керак бўладиган тегишли маълумотларни йиғиши хисобланади. Маълумотларни тўла ва ишончлилиги лойиха хужжатларини ўз вақтида ишлаб чиқишига асос бўлади. Лойихалаш ташкилотларининг амалий иш фаолиятида пудратчи қурилиш ташкилотлари ва буюртмачилардан лойиха ечимларини аниқлаштириб бериш тўғрисидаги мурожатлар кўплаб учраб туради.

Лойихалашдан олдинги ишларни қониқарсиз холати илмий текшириш ва лойихалаш институтлари иш фаолиятида перспектив режаларни йўқлиги билан асосланади. Қурилиш жараёнлари бошлашдан олдин келажакда яъни режалаштирилаётган лойиха рўйхат бўйича тасдиқдан ўтказилади.

Иш бошлашдан олдин буюртмачи ташкилотларидан лойихани нимага асосланиб бажарилиши юзасидан маълумотларни лойихалаш институтлари

талаң этиш лозимдир. Бошланғич маълумотларни сифатини ошириш мақсадида буюртмачи ташкилотлари билан лойихалаш институтлари ўртасида лойихалаш топширигини ишлаб чиқиши бўйича хамкорлик шартномалари тузилиши лозим. Хозирги кунда лойихалаш ишларининг хажмини қўплиги сабабли лойиха институтлари томонидан турли корхоналар, муассасаларни қурилишини лойихалаш учун барча маълумотларни қамраб олган бошланғич маълумотлар тўпламини тузиш талаб қилинади. Бу хужжатларда қуриладиган обьектларнинг энг рационал ўлчамлари, ишлаб чиқариш майдонлари, биноларнинг жойлашув схемалари, қурилиш майдонинг ўлчамлари ва иқтисодий асослашлар ўз аксини топади.

Лойихалаш топшириғи тасдиқлангандан сўнг лойихалаш босқичи бошланади. У лойиха смета ишлари комплекси (хисоб-китоб, график ва нусхалаш) бўйича техник хужжатлар тузишдан иборат бўлади.

Лойихалаш босқичи қайта ишлатиладиган, бетакрор лойихаларнинг конструктив ечимларидан максимал фойдаланилган холда олиб борилади. Бу ўз навбатида лойихалаш муддатини қисқартиришга, қурилишни индустрисл усуллардан фойдаланган холда олиб боришга имконият яратади. Лойихалаш босқичи қўп меҳнат талаб қиласидиган ва узоқ давом этадиган жараён бўлиб, унда қурилишни олиб бориш учун керак бўладиган техник хужжатлар ишлаб чиқилади.

Лойихалашдан кейинги босқичда тасдиқланган техник лойиха ва ишчи чизмалар асосида лойиха ижрочилари қурилаётган бино ва иншоотларни назорат қилиб борадилар. Лойиха ижрочилари бу жараённи фаол иштирокчилари бўлишлари лозим, чунки улар қурилаётган бино ва иншоотларни қуриш жараёнида муаллифлик назорати олиб боришидан ташқари лойиха хужжатларига талаб қилинганда тегишли ўзгартиришлар киритишлари мумкин.

Тахлилларни кўрсатишича **лоихалашдан кейинги босқичда** бино ва иншоотларни қуриш жараёнида лойиха ижрочилари олиб борадиган ишларни З та йўналишга бўлиш мумкин:


-қурилаётган бино ва иншоотларда муаллифлик назорати олиб бориш;

-бино ва иншоотларни фойдаланишга топшириш, уларни лойиха қувватига етказиш ва режалаштирилган техник-иктисодий кўрсаткичларга эришиш жараёнида қатнашиш;


-иш фаолиятини бошлаган корхоналарга техник ёрдам бериш.

Қурилиши режалаштирилган обьектларни лойихалаш 1 босқичли (1-чизма) ёки 2 босқичли (2-чизма) бўлиши мумкин. Лойихалаш жараёнинг босқичлилиги лойихаланаётган обьектнинг мураккаблигига қараб лойиха ишларини олиб бориш тўғрисидаги шартнома аниқланади.

1-чизма. Бир босқичли лойихалаш



2-чизма. Икки босқичли лойиҳалаш



Икки босқичли лойиҳалаш йирик ва мураккаб обьектларни объектларни қуришда, катта технологик қурилмалар ўрнатиладиган, мураккаб архитектура қурилиш ечимларидан фойдаланиладиган обьектлар учун амалга оширилади. Бунда биринчи босқичда техник лойиҳа ишлаб чиқилади, иккинчи босқичда ишчи чизмалар тайёрланади.

Қуриладиган обьектларни бир босқичли лойиҳалашда техник ишчи лойиҳа яратилади.

Лойихалашдан олдинги хужжатлар бу техник иқтисодий асослаш бўлиб, унда худудларда, вилоятларда ишлаб чиқариш корхоналарини ривожланиши ва уларни жойлаштириш бўйича қўшимча схемалар ишлаб чиқиши, лойихалаш ва қуриш мўлжалланаётган корхоналар, уларни ишлаб чиқариш қувватлари, техник-иқтисодий кўрсаткичлари, хисоб-китоблар билан асосланади.

Курилиш объектларини лойихалаш бўйича қарор йирик ва мураккаб корхона ва иншоотлар қуриш учун техник-иқтисодий асослашларни (ТИА), бошқа корхоналар, бино ва иншоотлар учун техник-иқтисодий хисоб - китоблар (ТИХК)ни, уларни қуришни мақсадга мувофиқлиги ва заруриятини эътиборга олиб қабул қилинади.

Техник-иқтисодий асослашлар импорт технологик қурилмалар ўрнатиладиган корхоналарни қуриш ва қайта қуриш, шунингдек маъмурий бинолар учун уларни смета қийматига боғлиқ бўлмаган холда тузилади.

Техник иқтисодий асослаш қурилишни режалаштириш ва лойихалашдан олдинги хужжат хисобланиб, қуидаги бўлимлардан ташкил топади:

1. Техник иқтисодий асослашга асос бўладиган қабул қилинган қарорлар ва бошқа хужжатлар, кенгайтириладиган ёки қайта қуриладиган корхоналарнинг техник холати тўғрисидаги маълумотлар, улар хўжалик фаолиятининг тахлили, охирги уч йиллик фаолиятининг асосий кўрсаткичлари.

2. Корхонани ихтисослашуви, кооперацияси, ишлаб чиқарадиган маҳсулотининг тури ва хажми

3. Корхонани хом аиё, материаллар ва ярим тайёр маҳсулотлар, энергия, иссиқлик, сув таъминоти ва меҳнат ресурслари билан таъминлаши

4. Корхонани таркиби, ишлаб чиқаришни ташкил этиши ва бошқариши, асосий технологик ечимлар, таклиф қилинаётган ишлаб чиқариш технологиясини ва технологик қурилмаларни танлашини асослаши

5. Қурилиш олиб бориладиган районни, майдонни, ахоли пунктини танлаши ва уларнинг тавсифи

6. Асосий қурилиш ечимлари, қурилишни ташкил этиши, архитектура-планировка ва конструктив ечимлар хамда уларнинг асосий кўрсаткичлари

7. Атроф мухит муҳофазаси, сув ости ва усти сувлари, ёғингарчилик миқдори, уларнинг тавсифи

8. Қурилишни хисобланган қиймати

9. Қурилишни ва ишлаб чиқаришни техник иқтисодий кўрсаткичлари, инвестицияларни иқтисодий самарадорлиги

10. Таклиф ва мулоҳазалар

11. Иловалар: қурилиш обьекти қийматининг йиғма хисоби, ситуацион режса.

Лойиха ишларини олиб бориш ва техник лойихалар ишлаб чиқариш учун лойихаланаётган объектга буюртмачи томонидан кўйилган талаблар кўрсатилган лойихалаш топшириғи асос бўлиб хизмат қиласи.

Лойихалаш топшириғига қурилиш учун ажратиладиган ер майдони, ташки муҳандислик иншоотларига уланишнинг техник шартлари, ер ости ва усти иншоотлари тўғрисидаги маълумотлар илова қилинади. Агар қурилиш олиб бориладиган майдондаги мавжуд бино ва иншоотлар сақлаб қолинадиган бўлса, у холда уларни техник характеристикиси ва ўлчамлари кўрсатилади. Курилиш майдонидаги уй-жой фондини бузиш лозим бўлса, уларни инвентаризацияси, баҳолаш далолатномаси, махаллий бошқарув органларини бузилган уй-жой фондини компенсация қилиш тўғрисидаги қарорлари илова қилинади.

Лойихалаши топшириги белгиланган тартибда ва шаклда тузилади ва у қўйидаги бўлимларни ўз ичига олади:

- қуриладиган бино ва иншоотни номи;
- лойиха ишларини олиб бориш учун асоснома;
- қурилиш тури (янги қурилиш, қайта қуриш, реконструкция қилиш) уларни техник-иктисодий асослашда келтирилади;
- қурилиш олиб бориладиган худуд, ахоли пункти (қуриладиган корхонани жойлашувини асословчи материаллар, аввалдан келтирилган ТИА ва қурилиш майдонини ажратиш тўғрисидаги далолатномада кўрсатилган бино ва иншоотлар);
 - ишлаб чиқариладиган махсулот номенклатуроси, корхона бўйича асосий махсулот турларини ишлаб чиқариш хажми (натурал ёки сўм ўлчовида), агар қурилиш навбатма-навбат олиб бориладиган бўлса унинг биринчи навбатда қуриладиган бино ва иншоотлари;
 - куриладиган корхонанинг иш режими;
 - ишлаб чиқариш ва хўжалик кооперацияси тўғрисидаги ечимлар, шу жумладан худуднинг ишлаб чиқариш бўғини таркибида корхонани жойлашуви;
 - атроф-мухит химояси бўйича талаблар ва ишлаб чиқариш чиқиндиларини йўқ қилиш тадбирлари;
 - ободонлаштириш ва кўкаламзорлаштириш тадбирлари;
 - куриладиган корхона технологик жараёнини автоматлаштирилган тизим орқали бошқаришни ишлаб чиқиш зарурияти;
 - уй-жой ва маданий майший биноларни қурилишини лойихалаш учун маълумотлар;
 - жалб қилинадиган инвестициялар хажми, қуриладиган корхона ёки бино ва иншоотларни техник-иктисодий кўрсаткичлари;

-қурилишни тугатиш муддати (қурилишмуддати меъёрларига асосан), ишлаб чиқариш қувватлари ва эксплуатацияга топшириладиган комплексларни қуриш муддати;

-энг мақбул лойиха варианлари ёки уни қисмларини тайёрлаш бўйича талаблар:

- loyihalash bosqichlari;
- boш лойихаловчи ташкилот номи;
- курилиш ташкилотининг номи;
- худудий лойиха ташкилоти билан келишилганлиги тўғрисидаги хужжат.

Лойихалаш топширифи билан бирга буюртмачи лойиха ишларини олиб борувчи ташкилотга қурилиш майдони ажратилганлиги тўғрисидаги далолатномани, корхона ва иншоотларни жойлашуви тўғрисидаги келишилган хужжатни, қурилиш паспортини, лойиха қилинадиган объектни таъминот манбаалари ва мухандислик коммуникациялари билан уланиш манбаларини топширади.

Хулоса ўрнида шуни таъкидлаб ўтишимиз жоизки талабаларни бино ва иншоотларни турлари бўйича лойихалашни тартиби ва босқичларини ўргатиш ва битиргандан сўнг касбга йўналтириш бу энг муҳим вазифалардан бири эканлигини яна бир бор таъкидлаб ўтмоқчиман. Инсон тўғри касб танлаш орқали ўз оиласига, жамиятга жуда катта наф келтириши исбот талаб қилмайдиган қонуниятдир. Талабаларни ва лойихалаш ташкилотлари ходимларини лойихалашни мукаммал, камчиликларсиз ва норма коидаларга асосланган ҳолда ташкил килишни босқичма-босқичлигини тушунтириб ўтилган.

Адабиётлар:

1. КМК 2.01.03-96 Зилзилавий ҳудудларда қурилиш. Тошкент 2006.
2. Инструкция по проектированию конструкций панельных жилых зданий. ВСНЗ 2-77. Госгражданстрой. М. Стройиздат, 1978.
3. Альбомы типовых конструкций и узлов каркасно-панельных и крупнопанельных зданий. ТашЗНИИЭП, ТбилЗНИИЭП.
4. Нуретдинов Х.Н. Зилзила бўладиган районларда саноат биноларини лойихалаш. Тошкент 1994й.
5. Маракаев Р.Ю. Маъмурий майший биноларни лойихалаш. Услубий қўлланма. Тошкент 1993й.
6. КМК 2.01.01-94. Лойихалаш учун иқлимий-физикавий ва геологик маълумотлар. Тошкент 1994й.
7. КМК 2.01.03-96. Строительство в сейсмических районах.
8. КМК 2.01.05-98. Естественное и искусственное освоение. Ташкент 1998г.
9. КМК 2.07.01-94. Шаҳарсозлик. Тошкент 1994й.
10. КМК 2.09.04-98. Саноат корхоналарининг маъмурий-майший бинолари. Тошкент 1998й.